

mill. clxx. Nam omnis ea Atlantis pars quæ Mauritaniam spectat, teste Leone, huius Regionis latitudinem præbet: complectitur & bonam planicie & Montium partem qui Libyæ sunt contermini. præcipua loca huius tractus sunt *Dubdu* Opidum antiquum, & *Teza*, maxima, nobilis, & opulentissima Vrbs, quæ Civium frequentia & opulentia tertium in tota Regione sibi locum vendicat. Regnum hoc multis irrigatur Fluvij, quorum aliquot navigabiles: præcipui sunt *Subn* & *Luccus*. *Subn* Veterib. *Subur* dictus, originem ducit ex maximo Fonte in horrida Silva Seligi Montis provincia Cheuz, atque multos recipiens fluvios per longum tractum discurrit, & lato simul ac profundo Ostio in Oceanum sese exonerat, ubi Naves etiam magnas recipit. *Luccus* ptolemæo *Lissus*, ex Gumaræ Montibus originem ducens in Oceanum labitur. In eius Ostio sita Civitas *Haraidos*, cujus portus ingressu difficillimus. Montes hic multi, inter quos *Zarhon*: Mons qui a planicie *Esais* incipiens, patet in longitudinem circiter triginta milliaria Occidentem versus, & in latitudinem decem: eminus Silvam magnam & desertam refert, cuius Arbores omnes sunt Olivæ. *Zalaga* item *Selelgo*, *Azgan*, *Centopozzi*, & multi alij, quos brevitatis studio omittimus. In urbe *Fez* multa pulchra sunt & ampla ædificia, publica privataq;: Tempia, Collegia, Xenodochia. Tempia sunt 1000 in quibus magnifica & splendida. Summum templum quod vocant *Carauvea* ambitum habet sesquimilliaris. portas amplas atque altas unam & triginta. In hoc Templo singulis noctibus 600 lucernæ accenduntur. Reditus Templi in singulos dies feruntur esse ducentorum aureorum. Collegia in quibus studiosi artibus, medicinæ, legibus operam dant, permulta sunt. Vnum præ cæteris nobile, in quod exstruendum Rex *Habu Henon* quadraginta octoginta aureorum millia effudisse dicitur.

## PENNON DE VELES.

Et hæc de *Marocci* & *Fessa* Regnis: restat paucis explicandum *Pennon de Veles*, quod antiquissimum est Opidum in littore Maris Mediterranei constructum ab Hispanis *Velles de Gumenera*, sive etiam *Pennon de Veles*, nuncupatum. Inter duos visendæ altitudinis Montes situm est. Alij ab Africanis, alij a Gothis ædificatum scribunt. Sed de hoc Opido in Theatro Urbium plura.

Ffff

ABISSI-